



APB 949452
NASKHAH PEMELIHARAAN
PERPUSTAKAAN NEGARA MALAYSIA
29 AUG 1998



TIMBALAN MENTERI
DI JABATAN PERDANA MENTERI.
TINGKAT 5, WISMA P.K.N.S.,
JALAN RAJA LAUT,
50674 KUALA LUMPUR

Telefon: 2922466
Kawat: PERDANA



KATA-KATA ALUAN

Dalam arus pembangunan yang pesat di Kuala Lumpur masyarakat miskin tidak seharusnya dibiarkan ketinggalan. Sudah menjadi tradisi dan kewajipan Kerajaan Barisan Nasional membela golongan yang miskin lagi hidup serba kekurangan di kawasan setingan dan rumah-rumah pangsa.

Sebuah program yang dibentuk khusus bagi memikul tugas yang sedemikian telah dilancarkan sejak tahun 1979 dan setiap tahun telah ditingkatkan mutunya dengan peruntukan kewangan yang besar.

Program NADI sebagai yang dikenali telah dapat memecahkan kebuntuan jurang di antara rakyat dengan agensi-agensi Kerajaan sehingga mencapai tahap kerjasama erat di kedua belah pihak dalam bentuk pengembelian tenaga bagi menjayakan tiap-tiap projek yang dilaksanakan. Kejayaan ini telah dapat dibanggakan oleh rakyat sendiri kerana hasil usaha dan penglibatan mereka di peringkat awal hingga akhir pelaksanaan tiap-tiap projek yang diluluskan.

Saya yakin bahawa rakyat telah dapat manafaat dari kerajayaan tiap-tiap projek sosial dan ekonomi yang dilaksanakan bersama kerana merekalah yang menjadi kumpulan sasaran utama program ini.

“SELAMAT MAJU JAYA”

(DATO' DRS. SULEIMAN MOHAMED)



KATA-KATA ALUAN

Ketua Pengarah
Dewan Bandaraya
Kuala Lumpur.



KATA-KATA ALUAN

Semenjak Program Nadi dilancarkan pada tahun 1979, berbagai-bagai jenis projek sosial dan ekonomi yang dilaksanakan telah dapat meningkatkan taraf kehidupan masyarakat terutamanya masyarakat berpendapatan rendah di sekitar Wilayah Persekutuan Kuala Lumpur.

Dengan kerjasama masyarakat tersebut telah dapat menjayakan tiap-tiap projek yang dilaksanakan secara lebih berkesan. Kejayaan ini juga adalah hasil dari kerjasama berbagai agensi Kerajaan yang bersepadu tenaga dan sumber kewangan bagi menjayakan program nadi. Merancang bersama rakyat adalah merupakan hikmat di sebalik kejayaan tiap-tiap projek yang dilaksanakan.

Saya ingin mengambil kesempatan ini untuk mengucapkan setinggi-tinggi penghargaan kepada semua Jawatankuasa-Jawatankuasa Petugas di kalangan masyarakat yang menjadi kumpulan sasaran di atas usaha-usaha gigih mereka secara sukarela dan berkorban untuk memajukan dan meninggikan taraf hidup.

Sekian. Selamat Maju Jaya.


(DATUK HJ. NOORDIN BIN HJ. ABD. RAZAK)
Ketua Pengarah,
Dewan Bandaraya Kuala Lumpur.

PROGRAM NADI

URUSETIA PROGRAM NADI
WILAYAH PERSEKUTUAN
DEWAN BANDARAYA KUALA LUMPUR 50350
FAX: DBKL 603-2918675

KELUARGA KU SAYANG

A. MUQADIMMAH

Program NADI telah dilancarkan antara September 1978 dan awal tahun 1980 dengan kerjasama badan-badan pertubuhan antarabangsa iaitu JOICEF dan UNICEF yang juga merupakan Badan Penyelarasan untuk program-program sosial di Wilayah Persekutuan.

Pada Pertengahan tahun 1978, satu seminar kemiskinan bandar anjuran bersama Dewan Bandaraya, INTAN dan UNICEF telah diadakan untuk mengenalpasti masalah kemiskinan bandar di kalangan penduduk berpendapatan rendah di Kuala Lumpur. Seminar tersebut telah menyusun beberapa strategi khusus untuk membolehkan kerajaan membantu menyelesaikan masalah golongan rakyat bandar yang berpendapatan rendah.

Hasil dari resolusi dan strategi yang dicadangkan, Dewan Bandaraya dengan kerjasama beberapa orang pakar dari institusi dan agensi kerajaan telah membentuk satu program yang diberi nama Projek Sang Kancil.

Pada tahun 1980, Kementerian Wilayah Persekutuan telah menubuhkan satu program induk dikenali sebagai 'Program NADI' yang merangkumi semua aspek sosio-ekonomi untuk memperbaiki taraf hidup penduduk bandar dari golongan berpendapatan rendah. Kini, projek-projek seperti Projek Sang Kancil, Penambahan Pendapatan dan Pengawalan Cacing, beserta projek-projek lain telah diserap sebagai sebahagian daripada Program NADI.

B. Definisi 'Program NADI'

Program NADI ialah satu program pembangunan sosio-ekonomi yang dilaksanakan secara bersepadu di antara orang ramai dan agensi-agensi kerajaan bertujuan untuk meningkatkan kualiti/meningkatkan taraf hidup penduduk-penduduk berpendapatan rendah di Bandaraya Kuala Lumpur.

Penumpuan pencapaian matlamat Program NADI ini ialah bagi kawasan di mana taraf sosio-ekonomi, kesihatan dan infrastruktur penduduk berada pada paras kemunduran. Ini merangkumi penduduk yang berpendapatan rendah di sekitar lebih daripada 30 kawasan-kawasan setinggan dan kawasan-kawasan perumahan/rumahpangsa berharga murah di Wilayah Persekutuan.

C. Rasional-Rasional Program NADI'

Pembentukan Program NADI dirasakan perlu di atas rasional-rasional yang berikut:—

Wujudnya masalah-masalah kemiskinan disebabkan oleh faktor-faktor struktural (structural) dan tingkahlaku (behaviourial).

- i) Faktor Struktural:
 - a) Kekurangan kemahiran
 - b) Tingkat pendapatan yang rendah

- c) Kekurangan kemudahan-kemudahan asas seperti tempat tinggal, bekalan air, elektrik dan lain-lain
- d) Taraf kesihatan yang rendah
- e) Kekurangan institusi-institusi dalam masyarakat yang menyebabkan kesukaran untuk melakukan pembangunan
- f) Kesukaran mendapatkan kemudahan perkhidmatan yang diberikan oleh kerajaan
- g) Kesukaran mendapatkan pekerjaan
- h) Pemakanan tidak seimbang
- i) Tingkat pelajaran yang rendah

ii) Faktor Tingkahlaku

- a) Sikap orang ramai dan juga pegawai/kakitangan kerajaan terutama dari segi disiplin bekerja
- b) Kekurangan peluang-peluang yang dapat menggalakkan motivasi untuk maju
- c) Sikap tidak bersedia dan tidak ada 'commitment' di pihak orang ramai untuk menceburkan diri dalam aktiviti-aktiviti penambahan pendapatan
- d) Kurang minat untuk bekerjasama dan melibatkan diri dalam aktiviti-aktiviti pembangunan
- e) Sikap benci dan memberontak

Program NADI juga difikirkan perlu untuk menampung atau memenuhi kehendak-kehendak masyarakat yang kurang bernasib baik (cacat, pengemis dan lain-lain) di kawasan bandaraya.

Sebahagian dari sebab berlakunya lingkaran kemiskinan ini adalah kurang berkesannya cara pelaksanaan dan aktiviti-aktiviti, yang dijalankan secara berasingan oleh agensi-agensi kerajaan dalam mengurus serta melaksanakan projek-projek yang ada hubungan dengan penduduk-penduduk miskin bandar.

Program NADI merupakan badan yang memastikan perancangan dan perlaksanaan yang komprehensif bagi memenuhi keperluan-keperluan rakyat (integrated planning and implementation). Dalam usaha itu Program NADI telah menyelaraskan semua aktiviti-aktiviti pembangunan sosio-ekonomi dari berbagai-bagai agensi kerajaan yang terlibat, untuk diwujudkan satu aktiviti bersepadu (one intergrated programme) dan digerakkan sebagai satu pasukan untuk mengelakkan pertindihan tugas, konflik, pembaziran sumber-sumber tenaga dan amat penting ialah mengatasi masalah kekeliruan dalam masyarakat.

Justeru itu, Program NADI bukannya suatu program yang baru tetapi suatu rangka program yang terselaras yang merangkumi aktiviti-aktiviti pembangunan setiap agensi-agensi terlibat, di mana sumber-sumber boleh dikongsi bersama dan kemahiran-kemahiran dapat disalurkan untuk memenuhi keperluan-keperluan penduduk di Wilayah Persekutuan dengan cara lebih efektif.

Kadaan pembangunan yang pesat di sektor-sektor yang lain telah mempertingkatkan ekspektasi rakyat melalui proses 'revolution of rising expectation'. Ekspektasi ini jika tidak dipenuhi boleh mengakibatkan situasi 'relative deprivation', iaitu ianya mempunyai implikasi politik yang agak negatif dari kaca mata kerajaan yang memerintah.

Seperkara lagi yang amat membanggakan ialah Program NADI juga merupakan suatu usaha ke arah pencapaian matlamat Dasar Ekonomi Baru iaitu:—